

4. april 2024

UPA2024/27

**Kalaallit Nunaanni eqqartuussisarnermik inatsisip allangortinneqarnera pillugu inatsisissatut siunnersuutip (Inuit sakkutuujunngitsut pillugit eqqartuussivimmi suliat Nunatta Eqqartuussisuuneqarfianut innersuunneqarnerat) Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut**

(Inuussutissarsiornermut, Niuernermut, Aatsitassanut, Inatsisip Atuutsinneqarnerannut Naligiissitaanermullu Naalakkersuisoq)

Siullermik Siumumiik Naalakkersuisut qutsavingerusuppagut eqqartuussisarnermut inatsisip ineriartortinneqarneranut suliaqarmata.

Siumumiik inatsisip nutarternissaa, periarfissallu taassuma ammaananeqarnissaa pissusissamisoortipparput.

Uani inatsimmi pineqarpoq inuiaqatiiginni pingaaruteqartumik eqqartuussinissamik pisariaqartitsisoqartillugu, toqqaannaq nunatta eqqartuussisuuneqarfianut ingerlatitseqqissinnaaneq. Tassa kredsretti aamma Nunatsinni eqqartuussivik avaqqullugit ingerlatitseqqissinnaanermik periarfissiineq. Assersuutingalugu spiralilersuisimanermut imaluunnit inatsisitigut ataataqanngittut toqqaannaq tassani eqqartuussivimmi suliarineqarsinnaanerat periarfissaalissaaq.

Allannguutissallu aappaa tassaavoq nunatta eqqartuussisuuneqarfianiik eqqartuussiviit qullersaannut ingerlatitseqqissinnaanissaaq. Tassa suliamik ingerlatitseqqissinnaanermut aaliangiisartut aqqutingeqqaarnagit ingerlatsisinnaaneq aamma periarfissaalissaaq.

Siumumiik tusarniaanermi akissutit atuarnerani aamma maluginiarparput tusarniaaffineqartut ajoriffissaqartingikkaat, tassami aamma tamanna Danmark- imi atuutereermat.

Siumumiik naatsunnguamik taamatut oqaaseqarluta Inatsisinut ataatsimiisitaliamut suliassanngorlugu ingerlateqqipparput.

Qujanaq.

Kuno Fencker, Siumut